

სატენდერო დოკუმენტაცია

CPV-60100000-საავტომობილო ტრანსპორტის მომსახურებები

(60172000 - ავტობუსებისა და ვაგონების დაქირავება მძღოლთან ერთად)

შესყიდვის სავარაუდო ღირებულება შეადგენს 23955 (ოცდასამი ათას ცხრაას ორმოცდათხუთმეტი) ლარს

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 121 მუხლისა და სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ შესაბამისად.

2015 წელი
ქ. ახალციხე

სარჩევი

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად----3 გვ.
2. მომსახურების გაწევის ტექნიკური პირობები-----4 გვ.
3. სახელმწიფო შესყიდვების შესახებ ხელშეკრულების პროექტი -----6 გვ.

1. ინსტრუქტაჟი

გამარტივებულ ელექტრონულ ტენდერში მონაწილეობის მისაღებად

სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის “სახელმწიფო შესყიდვების შესახებ” და სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის” შესაბამისად. იხ. <http://procurement.gov.ge/>

2. ტექნიკური პირობები ქ. ახალციხის მუნიციპალიტეტს დაქვემდებარებული ორგანიზაციების სატრანსპორტო მომსახურებით უზრუნველყოფაზე.

2.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2.2. ქალაქ ახალციხის მუნიციპალიტეტის (შემდგომში – მუნიციპალიტეტი) მიერ გამოცხადებული გამარტივებული ელექტრონული ტენდერის შესყიდვის ობიექტს წარმოადგენს: ქ. ახალციხის მუნიციპალიტეტიდან წვევამდელთა, კულტურული და ახალგარდული ღონისძიებების მონაწილეთა სატრანსპორტო მომსახურებით უზრუნველყოფა.

2.3. შესყიდვის ობიექტის აღწერა:

ქ. ახალციხის მუნიციპალიტეტიდან წვევამდელთა, კულტურულ ღონისძიებების და ახალგარდული ღონისძიებების მონაწილეთა სატრანსპორტო მომსახურებით უზრუნველყოფა.

ავტოსატრანსპორტო საშუალება დაექვემდებარება სტანდარტებს, რაც მდგომარეობს შემდეგში:

- პრეტენდენტს უნდა შეეძლოს ერთდროულად მინიმუმ 4 ერთეული ავტოსატრანსპორტო საშუალებით მომსახურება.
- პრეტენდენტმა უნდა უზრუნველყოს შემსყიდველის მოთხოვნის შესაბამისად ერთდროულად 300 (სამასი) მგზავრის გადაყვანა.
- სავარძლები კარგად დაცული და უსაფრთხო
- მექანიკურად გამართული და მუშა მდგომარეობაში მართვის სისტემა
- სამუხრუჭე სისტემა მუშა მდგომარეობაში
- გადამცემი სისტემა კარგ მუშა მდგომარეობაში
- გამართულ მდგომარეობაში გამწოვი სისტემა
- შიდა ელექტრო სისტემა გამართულ მდგომარეობაში
- მექანიკურად გამართული და მუშა მდგომარეობაში ტრანსმისიის სისტემა
- მექანიკურად გამართული და მუშა მდგომარეობაში სავალი ნაწილის სისტემა
- მექანიკურად გამართული და მუშა მდგომარეობაში მაყუჩი
- მუშა მდგომარეობაში საქარე მინის ჯაგრისები, გამწმენდი პირები და წყლის შესასხურებელი სისტემა
- მუშა მდგომარეობაში წინა შუქები, გვერდითი შუქები, ავარიული განათება, მოხვევის მაჩვენებლები და მუხრუჭის ნათურები
- თითოეულ საბურავს, ასევე სათადარიგო საბურავს ექნება მთელ ზედაპირზე დამცავი საფარი და ასევე საბურავების კიდეები არ იქნება დეფორმირებული.
- საქარე მინაზე არ იქნება რამე მნიშვნელოვანი ბზარი, რომელიც ხელს შეუშლის მძღოლის თვალთახედვას.
- ავტოსატრანსპორტო საშუალება აღჭურვილი იქნება პირველადი სამედიცინო დახმარების ყუთით და ცეცხლმაქრით

ქ. ახალციხის მუნიციპალიტეტს დაქვემდებარებული ორგანიზაციების სატრანსპორტო მომსახურებით უზრუნველყოფა უნდა განხორციელდეს შემყიდველის მოთხოვნის შესაბამისად.

ქ. ახალციხის მუნიციპალიტეტიდან წვევამდელთა, კულტურული და ახალგარდული ღონისძიებების მონაწილეთა სატრანსპორტო მომსახურებით უზრუნველყოფის ტრანსპორტის ტიპი და მომსახურების მანძილი (დანართი №2-ის შესაბამისად):

15-17 ადგილიანი- 13500 კმ

20-23 ადგილიანი- 10371 კმ

30-40 ადგილიანი- 11050 კმ

2.4. ქ. ახალციხის მუნიციპალიტეტს დაქვემდებარებული ორგანიზაციების სატრანსპორტო მომსახურებით უზრუნველყოფა უნდა განხორციელდეს შემდეგი გრაფიკის შესაბამისად:

მიწოდების ვადა: ხელშეკრულების გაფორმებიდან 2015 წლის 31 დეკემბრის ჩათვლით.

მიმწოდებელმა უნდა უზრუნველყოს სამგზავრო ავტოსატრანსპორტო საშუალებების გამოყვანა შემსყიდველის მოთხოვნიდან 1 (ერთი) დღის ვადაში, რისთვისაც მიმწოდებელი 1 დღით ადრე იქნება ინფორმირებული.

2.5. ქ. ახალციხის მუნიციპალიტეტს დაქვემდებარებული ორგანიზაციების სატრანსპორტო მომსახურების გაწევის ადგილია: საქართველოს ნებისმიერი ტერიტორია, შემსყიდველი ორგანიზაციის მოთხოვნის შესაბამისად;

2.6 პრეტენდენტის მიერ ელექტრონული სისტემის მეშვეობით წარმოსადგენი ტექნიკური დოკუმენტაცია უნდა შეიცავდეს:

- გასაწევი მომსახურების მიწოდების განფასებას (**დანართი №2**). სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების აღწერილობის სრულყოფილად შესრულებასა და მასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს და ასევე მიწოდების გრაფიკს (**დანართი №4**)

- ტრანსპორტის ტექნიკური დახასიათება(**დანართი №1**),

- პრეტენდენტის შესაბამისად უფლებამოსილი პირის მიერ ხელმოწერილი ინფორმაცია სატენდერო წინადადების მოქმედების ვადის შესახებ და საბანკო რეკვიზიტები **დანართი №3-ის მიხედვით**.

2.7. ანგარიშსწორება განხორციელდება მიღება-ჩაბარების აქტის გაფორმების შემდეგ ეტაპობრივად, მიღება-ჩაბარების აქტის საფუძველზე. წინასწარი ანგარიშსწორების პირობები არ განიხილება.

2.8. მუნიციპალიტეტი უზრუნველყოფს:

წარმომადგენლის გამოყოფას, რომელიც უშუალოდ გაუწევს ზედამხედველობას მომსახურების გაწევის პროცესს და საჭიროების შემთხვევაში, მოახდენს მომსახურების პროცესზე რეაგირებას.

2.9. მიმწოდებელმა ორგანიზაციამ მიღება-ჩაბარების აქტის გაფორმებამდე საკუთარი სახსრებით უნდა უზრუნველყოს მისაწოდებელ მომსახურებაზე აღმოჩენილი ხარვეზების აღმოფხვრა.,

2.10. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრი

მანანა ბალიაშვილი

ტელ: 599177585,

ელ. ფოსტა: mancho_baliashvili@yahoo.com

სახელმწიფო შესყიდვების შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

წინამდებარე ხელშეკრულება დაიდო _____ 20__ წ.

ერთის მხრივ ქალაქ ახალციხის მუნიციპალიტეტის თვითმმართველი ერთეული, წარმოდგენილი მერის გიორგი კოპაძის სახით (შემდგომში - შემსყიდველი), და მეორეს მხრივ _____ (შემდგომში - მიმწოდებელი), შორის და მიღწეულ იქნა ურთიერთშეთანხმება შემდეგზე:

შემსყიდველმა გამოაცხადა ტენდერი შესყიდვაზე, ქ. ახალციხის მუნიციპალიტეტიდან წვევამდელთა, კულტურული და ახალგაზრდული ღონისძიებების მონაწილეთა სატრანსპორტო მომსახურებით უზრუნველყოფაზე, და მიიღო მიმწოდებლისაგან სატენდერო წინადადება მომსახურების შესრულებაზე შემდეგ თანხაზე: _____ (შემდგომში “ხელშეკრულების ფასი”).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობას, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) მიმწოდებლის მიერ წარმოდგენილი სატენდერო წინადადება, მომსახურების გაწევის მეთოდები, გრაფიკი;
 - გ) მომსახურების გაწევის ვადები;
 - დ) ტექნიკური პირობები;
3. მიმწოდებელი იღებს ვალდებულებას შეუსრულოს შემსყიდველს ზემოაღნიშნული მომსახურების გაწევის ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.
ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის ხელის მოწერა და ბეჭედი _____

მიმწოდებლის ხელის მოწერა და ბეჭედი _____

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურების გაწევის უნდა შეესაბამებოდეს ტექნიკურ პირობებში მითითებულ სტანდარტებს.

3. ინტელექტუალურ საკუთრებასთან დაკავშირებული უფლებები

ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

4. ხელშეკრულების შესრულების კონტროლი

- 4.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან. შემსყიდველმა წერილობითი სახით და თავისდროულად უნდა აცნობოს მიმწოდებელს, ამ მიზნებისათვის განკუთვნილი თავისი წარმომადგენლების შესახებ.
- 4.2 იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 4.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.
- 4.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

5. მომსახურების გაწევის პირობები

5.1 მომსახურების გაწევის ხორციელდება მიმწოდებლის სატენდერო წინადადებაში ასახული გრაფიკის მიხედვით. შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გრაფიკში სათანადო ცვლილებები.

5.2 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. შესყიდვის ობიექტის მიღება-ჩაბარების წესი

- 6.1 შესყიდვის ობიექტი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. მიღება ჩაბარება მოხდება ეტაპობრივად, მიმწოდებელი შემსყიდველს წარუდგენს მიღება-

ჩაბარების აქტს ამ ხელშეკრულების მიხედვით გათვალისწინებული მიწოდებული მომსახურების დასტურად და გრაფიკის შესაბამისად.

6.2. მიღება-ჩაბარების აქტში (სულ ცოტა) მითითებული უნდა იყოს:

- შესყიდული მომსახურების დასახელება;
- შესყიდული მომსახურების ღირებულება;

6.3. მომსახურების გაწევის დასრულებულად ჩაითვლება საბოლოო მიღება-ჩაბარების აქტის ხელმოწერის დღიდან.

6.4. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირი ქალაქ ახალციხის მუნიციპალიტეტის მიერ განსაზღვრულ იქნება ხელშეკრულების დადების მომენტისათვის.

7. ანგარიშსწორება

7.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

7.2. მიმწოდებელთან ანგარიშსწორება მოხდება ეტაპობრივად, ხელშეკრულებით გათვალისწინებული მომსახურების მიღება-ჩაბარების აქტის საფუძველზე.

7.3. მიღება-ჩაბარების აქტის ხელმოწერისათვის მიმწოდებელი წარმოადგენს მიწოდებული მომსახურების გაწევის შესაბამისობის დოკუმენტს.

7.4. მიმწოდებელთან ანგარიშსწორება განხორციელდება შემდეგი წესით:

მიღება ჩაბარების აქტის მხარეთა მიერ ხელმოწერისთანავე 30 კალენდრული დღის განმავლობაში (არაუგვიანეს 2015 წლის 31 დეკემბრის ჩათვლით).

8. ფასები

8.1 შემსყიდველის მიერ მომსახურების გაწევის და თანმდევი მომსახურების გაწევის ხელშეკრულებაში მითითებული ფასები არ უნდა აღემატებოდეს მიმწოდებლის მიერ სატენდერო წინადადებაში მითითებულ ფასებს.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა "სახელმწიფო შესყიდვების შესახებ" საქართველოს კანონის და ამ დებულების მოთხოვნათა გათვალისწინებით.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10. უფლებების გადაცემა

10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი

ვალდებულებები.

11. სუბკონტრაქტორები

- 11.1 მიმწოდებელმა წერილობით უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ, თუ ეს უკვე არ არის მითითებული სატენდერო წიანდადებაში.
- 11.2 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.
- 11.3 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით არსებული მატერიალური ან სხვა ვალდებულებებისაგან.

12. ხელშეკრულების შესრულების შეფერხება

- 12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ხელშეკრულების პირობების შეუსრულებლობა

- 13.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.
- 13.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

14. ხელშეკრულების შეწყვეტა მისი პირობების შეუსრულებლობის გამო

- 14.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი ეტყობინების შემდეგ:
 - (ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
 - (ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.
- 14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 14.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - დ) საქართველოს კანონმდებლობით გათვალისწინებულ სხვა შემთხვევებში.

- 14.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.
- 14.5 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 14.6 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 14.7 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

15 ფორს-მაჟორი

- 15.1 ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 15.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

16. სადაო საკითხების გადაწყვეტა

- 16.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

17. გამოყენებული სამართალი

- 17.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18. ხელშეკრულების ენა

18.1 ხელშეკრულება იდება ქართულ ენაზე.

19. შეტყობინება

- 19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 19.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20. გადასახადები და დაბეგვრა

- 20.1 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

21. ხელშეკრულების მოქმედების ვადა

21.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 01 თებერვლის ჩათვლით.

„შემსყიდველი“

ქალაქ ახალციხის მუნიციპალიტეტის თვითმმართველი ერთეული

მის: 0800 ქ. ახალციხე, შალვა ახალციხელის ქ. #2

ქ. თბილისი, „სახელმწიფო ხაზინა“

ბანკის კოდი: TRESGE22

ა/ა GE GE24NB0330100200165022

ს/კ 224095903

მონაცემები პრეტენდენტის ტექნიკური შესაძლებლობების შესახებ.

#	მარკა-მოდელი	სახელმწიფო ნომერი	ტევადობა (დასაჯდომი ადგილი)	საკუთრების ფორმა
1				
2				
3				
4				
5				

პრეტენდენტი:-----
(ხელისმოწერა და ბეჭედი)

დანართი #2

ხ ა რ ჯ თ ა ღ რ ი ც ხ გ ა

2015 წელი

№	ტრანსპორტირების ტიპი	განზომილება	გასავლელი მანძილი კმ-ში	1 კმ.ღირებულება	მთლიანი ღირებულება
1	2	3	4	5	6
1	15-17 ადგილი	13500			
2	20-23 ადგილი	10371			
3	30-40 ადგილი	11050			
4	ჯამი	34921			
5	დღგ				
6	სულ:				

პრეტენდენტი:-----

(ხელისმოწერა და ბეჭედი)

პრეტენდენტის დასახელება

1. პრეტენდენტის რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკი:

ბანკის კოდი:

ანგარიშსწორების ანგარიში:

2. სატენდერო წინადადების მოქმედების ვადა:

პრეტენდენტი:-----

(ხელისმოწერა და ბეჭედი)

პრეტენდენტის დასახელება

მომსახურების გრაფიკი

რიგითი N	მოსაწოდებელი მომსახურების მოკლე დახასიათება	მოცულობა	მიწოდების ადგილი	მიწოდების გრაფიკული ვადები

პრეტენდენტის ხელისმოწერა და ბეჭედი _____